



**ODA E AVOKATËVE TË KOSOVËS  
ADVOKATSKA KOMORA KOSOVA  
KOSOVA BAR ASSOCIATION**

Në bazë të nenit 75, paragrafi 4 i Statutit të Odës së Avokatëve të Kosovës në Prishtinë, Kuvendi i rregullt i Odës, në Mbledhjen e vet të mbajtur më 20 dhjetor 2014 në Prishtinë, nxjerrë

**R R E G U L L O R E**

**PËR PUNËN E KUVENDIT TË ODËS SË AVOKATËVE TË KOSOVËS**

**I. DISPOZITAT E PËRGJITHSHME**

Neni 1

1. Kjo rregullore përcakton mënyrën e punës së Kuvendit në përputhje me Ligjin e Avokatisë dhe Statutin e Odës, me të cilat akte rregullohen përbërja, struktura, kompetenca, mënyra e marrjes së vendimeve, si dhe të drejtat dhe detyrimet e delegateve të Kuvendit.
2. Çështjet që lidhen me punën e Kuvendit, që nuk janë rregulluar me këtë Rregullore, përcaktohen me vendim ose me ndonjë akt tjetër të Kuvendit, në përputhje me Ligjin për Avokatinë dhe Statutin e Odës

**II. MBLEDHJET E KUVENDIT**

Neni 2

Mbledhjet e Kuvendit janë të rregullta dhe të jashtëzakonshme.

Neni 3

1. Mbledhjen e Kuvendit e hapë kryetari i Odës ose zëvendëskryetari në mungesë të tij.
2. Në mungesë të kryetarit dhe zëvendëskryetarit mbledhjen e hapë delegati i autorizuar nga Këshilli Drejtues i Odës

Neni 4

1. Kryetari apo personi që e zëvendëson atë, pas hapjes së Mbledhjes së Kuvendit konstaton ekzistimin e kuorimit.
2. Kur konstatohet ekzistimi i kuorimit kryetari apo personi që e zëvendëson atë, propozon zgjedhjen e Kryesisë së punës.
3. Në mungesë të kuorimit mbledhja nuk mund të mbahet dhe mbledhja tjetër e kuvendit thirret jo më vonë se 3 muaj.

## Neni 5

1. Kuvendi zgjedh kryesinë e punës në përbërjen prej pesë (5) anëtarëve, nga te cilët njeri është kryetari i Odës apo personi që e zëvendëson atë.
2. Kryesia e punës nga radhët e veta zgjedh kryesuesin.
3. Në mbledhjet zgjedhore kryetari i Odës apo personi që e zëvendëson atë nuk mund të jete anëtarë i kryesisë së punës.

## Neni 6

Zgjedhja e Kryesisë së punës bëhet me votim publik me shumicë votash apo me aklamacion në qoftë se është vetëm një propozim.

## Neni 7

Sipas procedurës që vlen për zgjedhjen e kryesisë së punës, Kuvendi zgjedhë edhe dy procesmbajtës dhe dy verifikues të procesverbalit.

## Neni 8

Kryesia e punës i propozon Kuvendit për miratim rendin e ditës i cili është publikuar bashkë me thirrjen për Kuvend, si dhe mbi plotësimet eventuale të paraqitura në pajtim me këtë Rregullore.

## Neni 9

1. Propozimi i rendit të ditës të mbledhjes së kuvendit do të plotësohet vetëm me ato propozime të delegateve të cilat me shkrim dhe të arsyetuara i janë dorëzuar Odës së paku 20 ditë para mbajtjes së Kuvendit.
2. Përjashtimisht rendi i ditës do të plotësohet edhe me propozimet e paraqitura me shkrim dhe të arsyetuara nga ana e 20 delegateve të Kuvendit, para hapjes së mbledhjes së Kuvendit.
3. Propozimet e paraqitura jashtë këtyre afateve nuk merren në konsiderim.

## Neni 10

Kryesia e punës duhet të kujdeset për ekzistimin e kuorumit me rastin e nxjerrjes së vendimeve.

## Neni 11

1. Secili delegat i pranishëm mund të marrë pjesë në diskutim për pikat e rendit të ditës. Diskutimi duhet të jetë i shkurt, i fokusuar dhe i qartë. Në të kundërtën kryesuesi do t'ia tërheq vërejtjen diskutuesit e nëse i njëjti edhe pas vërejtjes vazhdon diskutimin në të njëjtën mënyrë, kryesuesi ja merr fjalën.
2. Askush përpos Kryesuesit të Kuvendit konform par 1 të këtij neni, nuk ka të drejtë ta ndërpresë, të ndërhyjë në fjalë apo të ndikoj në diskutimin e lirë të delegatit në Kuvend.

#### Neni 12

Kryesia e punës mund të propozoj që të kufizohet koha e diskutimit si dhe të përfundohet shqyrtimi mbi një çështje të caktuar. Për propozimin e tillë votohet menjëherë pa diskutim.

#### Neni 13

Me qëllim të mbajtjes së rendit, Kryesuesi ka autorizime që delegatin që pengon mbarëvajtjen e mbledhjes t'ia tërheqë vërejtjen, kurse në rastet më të rënda kryesia e punës delegatin mund edhe ta largojë nga mbledhja.

#### Neni 14

Për secilën pikë të rendit të ditës, fjalën e lejon kryesuesi sipas rendit të paraqitjes së delegateve.

#### Neni 15

Pas përfundimit të diskutimit, sipas pikave të rendit të ditës, kryesuesi i mbledhjes së Kuvendit, sipas propozimeve të bëra e cakton votimin.

#### Neni 16

Në rastin kur për të njëjtën çështje ka më shumë propozime, për renditjen e votimit vendos Kryesia e punës.

#### Neni 17

1. Kuvendi në parim i merr vendimet me votim publik.
2. Votimi publik bëhet me ngritjen e dorës, për propozimin, kundër propozimit dhe me abstenim.
3. Kuvendi mund të vendos që për disa pika të rendit të ditës të mbahet votim i fshehtë dhe atë në veçanti për zgjedhjen dhe shkarkimin e anëtarëve të organeve të Odes.

#### Neni 18

Gjatë punës së Kuvendit, Kryesia e punës, për kryerjen e detyrave të caktuara, mund të caktojë komisione të veçanta.

#### Neni 19

Kryesuesi i Kryesisë në Mbledhje në Kuvendit e jep fjalën për diskutim, mban rendin në Kuvend dhe i shpallë vendimet – konkluzionet e Kuvendit dhe rezultatet e votimit.

#### Neni 20

1. Punimet e mbledhjes së Kuvendit zgjasin deri sa të shqyrtohen të gjitha pikat e rendit të ditës dhe merren vendime për secilën pikë.

2. Mbledhjen e Kuvendit e mbyll kryesuesi i kryesisë së punës.

### III. ZGJEDHJET DHE SHKARKIMI I ORGANEVE TE ODES

#### Neni 21

Zgjedhjet për organe të Odës bëhen në pajtim me Statutin e Odës, sipas listave të kandidimit të cilat me kohë i janë dorëzuar Odës në përputhje me nenin 9 të kësaj rregullore.

#### Neni 22

1. Procedura e kandidimit paraprak fillon së paku 15 dite para afatit të përcaktuar me nenin 9 të kësaj rregullore, gjatë së cilës kohë mund të paraqiten nga delegatet propozimet për Kryetar të Odes dhe organeve tjera të cilat i zgjedh Kuvendi.
2. Këshilli drejtues i Odes është i obliguar që në përputhje me afatin e mbajtjes së mbledhjes zgjedhore, fillimin dhe zgjatjen e procedurës parakandiduese me shkrim ti informoj të gjithë delegatet me udhëzim për të drejtën dhe mënyrën e propozimit të kandidateve në pajtim me dispozitat e kësaj rregulloreje.
3. Këshilli Drejtues së bashku me ftesën dhe materialet për mbledhjen e kuvendit delegateve ua dërgon edhe listën e kandidatëve për organet e Odes.

#### Neni 23

Kryesia e punës i paraqet Kuvendit për miratim me votim të hapur listat e kandidateve të cilat janë vërtetuar nga Kryesia e punës se i plotësojnë kushtet e nevojshme.

#### Neni 24

1. Kuvendi zgjedhor me votim të hapur zgjedh 5 anëtarë për Komisionin zgjedhor i cili udhëheq, mbikëqyr dhe numëron votat.
2. Anëtarët e Komisionit zgjedhor nga radhët e veta zgjedhin kryetarin e komisionit.
3. Anëtarë të Komisionit nuk mund të jenë personat që janë të kandiduar për organet e Odes
4. Komisioni zgjedhor në rastet kur votimi është i fshehtë harton fletëvotimet me emrat e kandidatëve dhe u shpërndan ato delegatëve.

#### Neni 25

1. Votimi behët duke rrumbullakuar numrin para emrit të kandidatit në listë, dhe mund të rrumbullakohen më së shumti aq kandidat sa zgjidhen për organin përkatës.
2. Fletëvotimet konsiderohen të pavlefshme nëse janë në kundërshtim me paragrafin e mësipërm dhe nëse janë të zbrazëta apo të dëmtuara.

#### Neni 26

Po që se është propozuar vetëm një kandidat apo një listë kandiduese, mund të vendoset që votimi të bëhet i hapur.

#### Neni 27

1. Në rast se pas votimit për kryetarin e Odes konstatohet se dy apo më shumë kandidat kanë numër të njëjtë të votave, Komisioni zgjedhor përsërit procedurën e zgjedhjes për këta kandidat. Në rast se pas votimit të dytë numri i votave është i njëjtë do të vazhdohet me votim derisa njëri nga kandidatët merr më shumë vota.
2. Në rast se pas votimit të kandidatëve të organeve tjera të Odes konstatohet se dy apo më shumë kandidat kanë numër të njëjtë të votave, Kuvendi merr vendim të votohet me votim të hapur

#### Neni 28

1. Për punën e Komisionit zgjedhor mbahet procesverbal të cilin e nënshkruajnë të gjithë anëtarët e Komisionit
2. Procesverbali i Komisionit zgjedhor përmban; datën, emrin e kryetarit dhe anëtarëve të komisionit, numrin e fletëvotimeve të cilat janë gjetur në kutin e votimit, numrin e fletëvotimeve të pavlefshme nëse ka, numrin e votave për secilin kandidat pas së cilës i shpallë rezultatet dhe raportin ia paraqet Kuvendit.
3. Emri dhe pozita e kandidatëve të zgjedhur vendoset në procesverbalin e mbledhjes së Kuvendit.

#### Neni 29

Kuvendi në bazë të Ligjit, Statutit dhe kësaj rregulloreje konstaton zgjedhjen e organeve dhe anëtarëve të tyre. Me këtë rast delegatet mund të paraqesin vërejtjet dhe kundërshtimet eventuale në zgjedhjen e ndonjë organi apo anëtari të tij dhe Kuvendi mund të vendos që të shqyrtoj dhe vendos për këto vërejtje apo kundërshtime, duke zgjedhur eventualisht organin apo kandidatin tjetër.

#### Neni 30

Zgjedhjet plotësuese për shkak të ndërprerjes së funksionit të cilitdo qoftë organ apo anëtarë të tyre para skadimit të periudhës se zgjedhur, zbatohen sipas procedurës së njëjtë të mënyrës së parashikuar me Statutin e Odës dhe me këtë rregullore pune.

### **IV. DISPOZITAT KALIMTARE**

#### Neni 31

Për punën e Kuvendit mbahet procesverbali në të cilin shënohen:

- rrjedha e punës së Kuvendit;
- diskutimi i anëtarëve në pika kryesore – shkurtimisht;
- rezultatet e votimit; dhe
- vendimet në tërësi.

#### Neni 32

1. Procesverbalin mbi punën e Mbledhjes së Kuvendit e nënshkruajnë:

- kryesuesi;
- procesmbajtësit e procesverbalit;

- vërtetuesit e procesverbalit dhe
- anëtarët e Komisionit zgjedhor – po që se Kuvendi është zgjedhor.

2. Në mbledhjet zgjedhore procesverbali me të gjitha shtojcat siç janë; propozimet, vërejtjet, fletëvotimet arkivohen në arkivin e Odës dhe shpallen në gazetën e Odës.

#### Neni 33

Në vërejtjet eventuale të pjesëmarrësve lidhur me hartimin e procesverbalit, vendos Kuvendi i ardhshëm.

#### Neni 34

Në rastet e jashtëzakonshme kur Kuvendi gjatë mbledhjes konstaton se në ndonjërin nga pikat e rendit të ditës është marrë ndonjë vendim jo i plotë ose i gabuar me shumicën e votave mund të vendos që kjo pikë e rendit të ditës të kthehet në rishqyrtim dhe rivendosje.

#### Neni 35

Me këtë Rregullore, shfuqizohet Rregullorja mbi punën e Kuvendit të Odës së Avokatëve të Kosovës e datës 30 mars 2007.

Kjo Rregullore hyn në fuqi në datën e aprovimit dhe zbatohet prej 01 Janar 2015.

**KRYETARI I ODËS,**  
Ibrahim Dobruna